

5. september 2025

UKA 2025/122

Inatsisartut Suleriaasianni § 36 naapertorlugu apeqquteqaat aallaavigalugu siunnersuut imaattoq matumuuna saqqummiuppara:

Akileraarutip apparneqarnissaanik pillugu apeqquteqaat aallaavigulugu oqallinnissamik siunnersuut.

(Inatsisartunut ilaasortaq Aqqalu C. Jerimiassen, Atassut)

Atassummiit akileraartarneq annertuumik pillugu eqqartuisareerpugut, tamannalu nangittumik maanna ingerlateqqikkumavarput, tassami peqqinnartuusorigatsigu nunatsinni inuit atugaannut tunngasumik politikkikkut oqallittuarnissarput.

Eqqaamaneqassajunnarsivoq akileraartarnikkut aaqqissuusseqqinneq kingulleq ingerlanneqarmat Atassut peqataasimanngitsoq, tassanili Atassummi uagut nammineq pilersaarutitsinnik saqqummiussaqaarsimagaluaratta amerlanerussuserneqanngitsumik.

Maanna atuuttoq periuseq tulluartaunersoq politikkikkut eqqartorneqartariaqavissorivarput, tassami qularnanngilaq partiit tamatta immikkut tamanna siunnerfeqarfigigipput, akileraartarnermi tassaammat sorpassuartigut inuiaqatigiittut ingerlanneqarnitta qitia.

Sulinermut ilanngaas (ulluinnarni suila tapinik taaneqatoq) qaffanneqarpoq, taanna qujanarunaraluaqaaq inuit ilaannut, ilaannaannulli! Paaserusunnarpoq ilumut piviusorsiortuunersoq nunatta karsianit inuup toqqaannaq kontoanut ikisilluni periuseqartarneq siunissamut toqqammaviliilluartaunersoq.

Uagut Atassummi akileraartarnikkut periusissatut oqinnerpaasorisarput allaffissornikkullu annikinnerpaamik ingerlatsiffiusinnaasutut takorluugarput saqqummiutereernikuuarput, tassalu taaguuteqartoq "flat tax".

Flat tax tassaavoq akileraartariaaseq ataasiinnaq ilanngaatinik malitseqanngitsoq % aaliangersimasoq.

Tassanilu Atassummiit oqarpugut, flat tax eqqunneqarpat, ilanngaaterpassuillu piiarneqareerpata akileraarutip 30%-imut apparneqarsinnaanera, tassani isertitaq 1kr imaluunniit 1mio.kr pineqaraluarpassuillu, isertitat tamarmik akileraaruserneqassapput, utertoornepassuit tapernerpassuillu piujunnaarsinneqassapput, kialluunniillu kaasarfimmioriligassaa qaffariaateqassalluni malunnaatilimmik, naak aningaasanik inatsimmi nikisitserujussuanngikkaluarluni. Isummassi tusarnissai qilanaaralugit.

Oqallilluarisi.